

COMMENTARIOLI PRACTICI
IN COACAS PRAENOTIONES
HIPPOCRATIS
PENSVM III.

QVO

DISSERTATIONEM INAUGURALEM

PRAENOBILISSIMI DOCTISSIMIQUE

MEDICINAE CANDIDATI

HILMARI ADOLPHI LVDOVICI
GIESECKEN

BOECKENDORFFIO PADERBORNENSIS

D. XVI. OCT. MDCCLII.

HABENDAM INDICIT

ORDINIS MEDICI PRODECANVS

IO. GOTHOF. BRENDL

D. P. P. O.

GOTTINGAE,

EX OFFICINA HAGERIANA.





COMMENTARIOLI PRACTICI
IN COACAS HIPPOCRATIS
PRAENOTIONES
PENSVM III.

9) 'Αι ἐκ νώτε Φρίκαι πυκναί, καὶ ὀξέως μεταπίπτεται, δύσφοροι, ἄρα γὰρ ἀπόληψιν, καὶ ἐπώδυνον, σημαίνει. Τὸ ἐφιδρῆν τέτοις κακίαν.

Ex dorso horrores erebri & celeriter transcentes, difficiles: urinae enim interceptionem dolorificam significant. His sudores leues & fugitivi; vel qui circa superiora saltem sunt, pessimi.

Multos Coacarum locos aliis in HIPPOCRATICIS libris, iterum tertiumve legi, abunde constat. Hic ipse, optimis collatis editionibus, Aldinaque, talis exhibetur alibi (a):
'Εκ νώτε πυκνήσι καὶ λεπτήσι Φρίκασιν ἐφιδρῆντες, δύσφοροι, ἄρα γὰρ ἀπόληψιν ἐπώδυνον σημαίνει. Talisque rursus (b):
'Αι ἐκ νώτε Φρίκαι πυκναί, καὶ ὀξέως μεταπίπτεται, δύσφοροι, ἄρα γὰρ ἀπόληψιν ἐπώδυνον σημαίνει. Et si dysurias alioquin omnes, vudecunque subortas, experientia teste, aut antecedit aut comitetur aliorum, isque ex dorso vel lumbis procedere visus, si grauior causa fuerit: hic tamen locus referendus ad symptomaticas istas, quae in ipsa imprimis initia febrium malignarum & exanthematicarum, omine omnino pessimo, incidere solent. 'Εφιδρῆν HIPPOCRATI designat & leues fugitios-

(a) Coac I. 1. 69. Lind.

(b) Proverb. I. 10.

tuosque sudores, summa corporis quasi perstringere visos: & qui superioribus saltem sese esserunt, capillitio scilicet, facie, collo, ceruice, quini dorso. Sudorum vtrumque genus in malignarum obseruatur protinus initiis. Haec adeo, coniuncta cum horroribus istis, ex dorso lumbisque incipientibus, non sine doloribus τὸν ὄρεσι, atque sudores memoratos inter, admonent, vt ad dysurias istas, difficillimi morbi indices, prognoseos ergo attendamus. Verissime in hanc sententiam AETIVS (c): *In initiis pessimarum febrium & hoc sese effert symptoma, vt ipsa doleat vesica, & vrina per intervalia breuia prodeat, cumque dolore. Neque saltem molestum id est, sed signum etiam, vniuersum esse affectum neruorum systema.*

10) Ρίγος ἐν συνεχεί, τῷ σώματος ἀδενέος, ἤδη ἐόντος, θανάσιμον.

Rigor in febre continua, corpore iam exhausto, letalis.

Continuos durabilioresque rigores, συνεχεῶς εἶγεα, in acutis malos postea dicit. Hic vero εἶγος ἐν συνεχεί esse rigorem in febre continua, alius asserere locus potest (d): ἢν εἶγος ἐπιπίπτῃ πυρετῷ μὴ διαλέποντι, ἤδη ἀδενεῖ ἐόντι, θανάσιμον. Scilicet in febres acutas difficilioris criseos, quales sunt omnes acutae in corporibus dudum cacochymicis, omnes item malignae phrenitidesque, exanthematicae tandem nonnullae, sub ipso quidem vigore morbi, attrito iam corpore, saepe videmus incidere rigorem, qui febris nouae initium foret, aut per abscessum, aut succedentem febrem exanthematicam, aut aliis denique modis, difficili crisi prioris febris subuenturae, nisi vis vitae vindictis his succenturiatis impar iam esset. Id maxime contingit in illis acutis, quae limites ordinarios egressae, syrma potius quoddam plurium acutarum sunt, quarum altera alteram consecuta est. Talia exempla in *Epidemiis* leguntur.

a 2

Neque

(c) Lib. V. 37.

(d) Aph. V. 46.

Neque febres continuas longas excepero, vt satis docent rigores phthisicorum, cum vicinior iam mors est: prodromi quidem isti accessurae febris acutioris, quae finem vitae asseret. Sed alius ille rigor est, qui compluribus (e) HIPPOCRATICIS locis, *causum* dicitur *soluere*. De hoc, ne diuortia commentatorum experiamur, strictim hic saltem quaedam submonenda. Causus est omnis febris acuta ardentior & aestuosior, quorsum & pleuritides referemus. Non adeo hic intelligendae phrenitides, non quicquid malignarum febrium est, nisi febris ardentior accesserit, vt de phrenitide praeclare monet HIPPOCRATES (f). Sub hoc genere causorum, vbi ventum fuerit ad morbi vigorem, incidit rigor aliquis in ipsa initia exacerbationis eius temporis grauissimae: sequitur aestus grauissimus, finiturque ista exacerbatio cum sudore profuso bonae notae, qui criseos perfectae initium est. Hi ergo rigores sunt inter alia signa nunticii sudorum. Ipse sic intellectum sese cupit HIPPOCRATES (g): *in causo si prebendat rigor, sudore finiri solet*. Haec etiamnum obseruantur in corporibus, alioquin integris, nullaue arcana visceris cuiusdam labe, praesertim lienis hepatitisue, conflictatis, imprimis ante annum aetatis quinquagesimum: si quidem decursus morbi neque diaeta neque iniqua curatione perturbatus fuerit. Praeclare hic iterum AETIVS (h): *Sudoribus febrem solutum tri cognoscimus, si fuerit quam ardentissima, qualis est causus appellata febris. Si igitur crisis instat, atque ad rationem aliorum signorum alius cohibetur, aut vrina; prospiciendus rigor est. Sin cohibeantur utraque, praesentibus neque vomitus signis, neque haemorrhagiae, sudor necessario multus erit. Imprimis, si delirarint nonnihil aegri sub incremento paroxysmi, & extrinsecus fiant calidiores, calidusque vapor ex corpore assurgat, qui ante non fuerat, vt in recens lotis fieri assolet*:

(e) Aph. V. 38. de Cris. 11. Coac. 1. 88. morbis II. 37. de Crisib. 3. Quin de horribilibus eiusmodi, Epid. III. 3.

(f) De morbis II. 37.

12.

(g) De Crisib. 11. Conf. memorabiles loci, Epid. I. 3. Epid. IV. 57. de

(h) L. V. 1. 7.

*affolet: fin & pulsus magni sint, sublimesque & pleni, in dia-
stolen magis acti, & quasi fluctuantes.*

- 11) Ὅτι πυκνὰ ἐφιδρῶντες καὶ ἐπιρρέγοντες, ὀλέθριον. καὶ ἐπὶ τῇσι
τελευτῇσι ἀναφαίνονται ἐμπύημα ἔχοντες, καὶ κοιλίας ταρα-
χώδεις. Τὸ Φρικῶδες καὶ τὸ δύσπνοον ἐν τοῖσι πόνοισι, ση-
μεῖα φθινώδεια.

*Qui crebro leuiterque sudant, & postea rigent, exitiosum: &
circa finem vitae apparet, empyema illis esse, & aluos stu-
xat. Horrores & difficultas spirandi inter dolores, signa
tabis.*

Duos eiusdem argumenti locos, breui disiunctos intervallo,
eadem opera exhibeo. Vltro patet, ad illos pertinere, qui
arcana phthisi, neque pulmonali saltem, vndecunque tandem,
an ἐμφύτῳ, an alia, latenter impliciti sunt. His crebri faci-
lesque sudores sunt, initio leuiiores, dum ad matutinos istos &
colliquatiuos processerint. Vt magna phthisicorum pars ex hy-
pochondriis simul laborat, vnde πτερυγώδεις istos simul fla-
tuosos rectissime HIPPOCRATES dixit (i): ita his neque su-
dores defunt circa superiora saltem. Κοιλίας ταραχώδεις sunt
diarrhoeae istae tenesmodes, cum intestinorum etiam dolori-
bus, qui vicinam mortem propius antecedunt. Dolores acci-
piendi, experientia teste, tum de doloribus, rheumaticorum
instar, saltem fugitiuis, quin ipsos articulos inuadentibus: tum
de doloribus pectoris inprimis, alias fugacibus & subacutis, a-
lias grauatiuis & durabilioribus. Illos HIPPOCRATES (k)
verissime appellat πλεονῶν κνήσεις, cumque aluo fluxa, ingesta
aduc crutiora egerente, spirituque difficili, in phthisi
finiri ait. Τὸ ὀλέθριον hic non de pernici & acuto exitio, sed
quod lento gradu tantisper obrepit, accipiendum. Empyema-
ta HIPPOCRATI omnia dici interna vlcera, constat.

- 12) Τὰ ἐκ νώτε ῥέγουσιν, δυσφορώτερα.
Rigores ex dorso, difficiliores.

A 3

Illud

(i) Epid. VI. 3.

(k) Coac. III. 302.

Illud experientia constat, algores internis de causis genitos, si ex dorso lumbisque inceperint, non levis momenti esse, vel ipsis in febribus intermittentibus, maximi vero, in acutis: tum spasmodicis quibusdam affectibus. Non tamen omnes omnino eiusmodi algores haec habere initia, usus docet, vel exemplis phthisicorum, nisi cum propius in finem vitae acutius febrile coeperint. Id videtur HIPPOCRATES voluisse, hoc loco, parte postrema obscuro (1): *Rigores incipiunt, mulieribus quidem, magis a lumbis, & per dorsum, tumque ad caput: sed & viris magis a posticis, quam anticis. Horremus etiam exterioribus potius, ut cubitis, femoribus, quam interioribus corporis. Sed & cutis rarior. Indicant autem pili. A quibus autem aliis rigent, forsan ulceribus, incipiunt a vasis.* In hoc explicando, praesertim postremis verbis, αὐτὸν δὲ ἄλλων ἐργεῖσθαι, ἵσως ἐλπίων, ἀρχεται ἀπὸ τῶν ἀργείων, cum operae multum consumississet GALENVS (m): succenset tandem illis, qui eidem loco, in *Aphorismis* (n) & *secundo Epidemiorum* (o) iterum, at sine his verbis legendo, hic eadem adiecerint. Inde simul patet, antiquissimam esse lectionem ἀργείων. Ne GALENICOS laceramus manes: mutilum opinabimur isthoc iam tempore locum, aut, quod verosimilius est, & ipse alibi recte censet GALENVS, *sextum Epidemiorum* saltem aduersariorum instar, fugitiuis annotationibus conscriptum. Mens HIPPOCRATIS videtur fuisse, quod rigores frequentissime quidam sentiantur ex dorso procedere: at nonnunquam aliunde, atque ab interioribus. Ἀργεῖα Graecis saepe dicuntur quaecunque conceptacula, ut est apud GELLIVM (p). Ipse alibi HIPPOCRATES (q): Πύρος ἀπὸ τῆς κάτω κοιλίης, πῦρ ἀπὸ τῆς ἄνω μάλλον. Non desunt exempla rigoris ex interioribus grauissimi, in febribus quartanis, inque malignis & pestilentibus, quod est ἔργος illud ἀνεκδέξιμων AEGINETAE (r) febrium hepialarum;

legi-

(1) *Epid. VI. 3.*(m) *Commentarii III. in VI. Epid.*(n) *Apb. V. 69.*(o) *Epid. II. 3. III.*(p) *L. 8. c. 10.*(q) *Epid. VI. 5.*(r) *Lib. II. 25.*

legimusque peste decumbentes nonnullos de acutissimo algore in imo ventre conquestos. Non attingo ARETAEI (s) ἐργα κακοῦθρα ἀπὸ τῶν ἐλκῶν; non AETII (t) Περιώδεια ἐξ ἐλκῶδους κόπης, aliaque huius generis: sistendus pro instituti ratione calamus est.

CANDIDATVS PRAENOBILISSIMVS DOCTISSIMVSQVE

cuius indicendae disputationi honorum in medicina summorum adituali haec erant destinanda, est

HILMARVS ADOLPHVS LVDOVICVS GIESECKEN.

Ipse de natalibus suis studiisque his exposuit:

Natus sum Boeckendorffii, praedio nobili ditionis Paderbornensis, Patre IOANNE GVNTHERO GIESECKEN, praedix huius temporis praefecto, nunc eodem munere Pymonti defungente: matre MARIA CATHARINA KNOPFE. Optimi parentes domestica institutione formatum *Corbachium* me miserunt. In illustri illo Gymnasio cum sex annos in literarum studiis transegissem, quarto ab hinc auno, *Illustri BOEHMERO* fasces tenente, inelytam hanc Georgiam Augustam accessi, nactus Praeceptores, quos pie semper venerabor, laude mea maiores: *Illustrem RICHTERV* in pathologicis, semioticeis, diaeteticis, historiae medicinae, arteque concinnandi formulae; *Illustrem & Generosum* de HALLER in osteologia, anatomia, botanica, physiologia, medicina forensi & chirurgica; *Illustrem* SEGNERVM in mathesi pura, physica, chemiaque: denique *Excellentissimum* ROEDERERV in theoria & praxi rei obstetricariae.

Sedulus & me audiuit, tradentem rem pharmaceuticam, obstetricariam, methodum medendi, materiam medicam, medicinam practicam, institutiones denique operasque chemicas. Examine perfunctus magna cum laude, pro cathedra, Praefide Collega Coniunctissimo, *Ill. SEGNERO*, defendet dissertationem inauguralem, *qua probatur, prophylaxin non esse peculiarem hygiacnes partem, praemissa lectione cursoria, de contagiis:*
postea

(s) De Cur. Acut. I. §.

(t) L. IV. 42.

postea honoribus priuilegiisque Doctoris Medici, PRAESCITV
 ATQVE ASSENSV, SPLENDIDISSIMI ACADMEIAE CAN-
 CELLARIJ, insigniendus. Adfint beneuole, & solemnna illa con-
 decorent praesentia sua longe honorificentissima, PRORECTOR
 ACADEMIAE MAGNIFICVS, ILLVSTRISSIMI S. R. I. CO-
 MITES, PATRES ACADEMIAE CONSCRIPTI, PROCERES
 VRBIS SENATORII, DOCTORES, CIVES PERILLVSTRES
 GENEROSISSIMI ATQVE NOBILISSIMI, nuncupatis vicis-
 sim studiis officiisque, ordo Medicus, me interprete, rogat.
 P. P. in Acad. Georgia Augusta, sigillo Ordinis Medici, d.

15. Octob. 1752.

